

Manmin nga mga Balita


NO. 86 PEBRERO 4, 2018



Ang Christmas Eve Performance og Celebration Service 2017

Ang Manmin Central Church nihimo sa Christmas Service sa alas 11 sa buntag niadtong Disyembre 25, 2017. Aron uban nga magsaulog, sobra sa 400 ka mga pastor og magtotoo ang nibisita sa simbahan gikan sa 22 ka mga nasod lakip sa U.S., Belgium, Nepal, og Colombia. Si Senyor Pastor Dr. Jaerock Lee nihatud sa mensahing giulohan og “Blessing” kinutlo gikan sa Roma 13:10. Ni awthag siya sa mga nanambong nga hinumduman ang espeyal nga gugma sa Dios alang sa kapasayloan og sa pagpaabot nga gihatag na nila sukad tuig 2010 og pagbuhat sa ilang parti aron maabot ang probidensya sa Dios uban sa Ginoo og sa magbalantay.

Pag 24 ang Christmas Eve Performance gi presentar human sa Sunday Evening Service pinaagi sa Performing Arts Committee ubos sa tema “Congratulations on the Lord’s Birth!” Kini nahibagay sa panahon karon nga nagpakita sa lain-laing aktuwal nga pasundayag nga gihikyad uban sa video story, nindot nga kahayag sa mga suga, og sa nindot nga mga pagkanta og sayaw. Ang video story-line gipakita pinaagi sa mga bag-ong kanta sa Manmin Praise sama sa “The Lord’s Birth”, “Great



Mystery”, “The Way of Salvation”, “The Power of Love”, og “December 25.” Ang mga tigpasundayag nikanta, ni sayaw og ni-acting nga matitud-anon. Kining tanan nakatandog kaayo sa mga tawong nanambong.

“Dunggog og Pasalamat sa Dios sa pag Panalangin sa Manmin sa Gahom sa Re-creation!”

Ang 12 ka Dagkong Estorya sa Manmin sa Tuig 2017

1 Ang espirituwal nga gingharian gipadayag!

Si Senyor Pastor Dr. Jaerock Lee klarong nipadayag sa espirituwal nga gingharian uban sa lawum nga mga mensahe sama sa “Heaven”, “Hell”, “Genesis Lectures”, og “Revelation Lectures” og sa nagkalain-laing bangaw, aurora lights, pagkanaog sa daghang alindahaw, og dibisyon sa espiritu.

Hilabi na gyod sa tuig 2017, ang iyang gamhanang pag ampo mipalingkawas sa tawong nayawaan. Sa pagsaksi ini, ang mga miyembro sa simbahan nakahunahuna kon unsa motintal ang demonyo aron ang tawo makasala, mobutang nila sa mga pagsulay og mga sakit, og sa kataposan mogiya nila ngadto sa impeyerno. Dako kaayong kahigayonan aron ang mga miyembro mabag-o. Og ila sad nabati ang dako og lawum nga gugma sa Dios nga mipalayas sa demonyo og mihatag nila sa malipayong kinabuhi.



2 Ang mga sangang simbahan natukod pinaagi sa manan-away sa GCN!

Daghang tawo naka eksperyensya sa kausaban pinaagi sa sermon programs ni Dr. Lee og nakadawat sa kaayohan pinaagi sa iyang pag-ampo sa mga masakiton diha sa GCN (Global Christian Network). Og pinaagi sa iyang pag-ampo para sa mga masakiton daghan ang naayo. Pag 2017, ang makahuloganong bunga natawo pinaagi sa GCN broadcastministry.

Mga tawo sa kalibotan maminaw sa mga mensahe ni Dr. Lee og nakadawat sa kaayohan dili lang sa TV apan pinaagi sad sa YouTube og ubang social network. Ang manan-away sa Moldova, France, Switzerland, og Taiwan manag pundok sa ilang balay para sa church service, og sa dihang nanaghan na sila magtukod sila og sangang simbahan.

Si Dr. Lee nangandam sa broadcasting ministry kay siya nahibaw nga kini epektibo sa pagpakatag sa ebanghelyo ining naghinapos nga panahon. Iyang naabli ang GCN og kini mosibya sa 170 ka mga nasod.





Senyor Pastor Dr. Jaerock Lee

“Amahan pasayloa
sila kay wala sila mahibalo
sa ilang gibuhat”
(Lucas 23:34).

“Sultihan ko ikaw,
karong adlaw adto ka sa
Paraiso uban kanako”
(Lucas 23:43).

Kataposang Pito ka Pulong ni Hesus sa Krus (1)

mga anak sa Dios karon mohigugma og mopasaylo sa tanang katawhan. Sa samang rason kita Iyang gitudloan sa pag ampo, “Og pasayloa kami sa among mga sala sama nga kami nagpasaylo sa mga nakasala kanamo” sa “The Lord’s Prayer” (Mateo 6:12). Bisan sa panahon nga dili unta kita angayan biaybiayon, si Hesus dili buot nga kita mobalos og daotan o magbaton sa daotang buot apan mobuhat lamang sa maayo niadtong ni biaybiay kanato (Mateo 5:44-45).

Mao nga, kay si Hesus nihigugma bisan niadtong mga makasasala nga ni lansang niya sa krus og nitamay, ato sad higugmaon ang atong mga kaigsoonan, og pasayloon og higugmaon ang atong kaaway.

Ang ika-2 Pulong, “Sultihan ko ikaw, karong adlaw adto ka sa Paraiso uban kanako.”

Dihay duha ka kriminal nga gilansang usab sa matag kilid ni Hesus. Ang usa mibiaybiay kaniya, apan ang usa nibadlong. Og miingon siya kang Hesus, “Hesus,” miingon ang kriminal, “hinumdumi intawon ako kon maghari kana!” Si Hesus mitubag og nisaad sa kriminal, “Sultihan ko ikaw, karong adlaw adto ka sa Paraiso uban kanako.”

Aniay espirituwal nga kahulogang nahitso sa ika-2 pulong nga gisulti, una ang “Paraiso” sa langitnong gingharian. Sa 2 Corinto 12:2-4, si Apostol Pablo nisuwat “gibayaw siya ngadto sa ikatulong langit...ngadto sa Paraiso, og didto nadungog niya ang mga butang nga dili mahubit.” Sa daghang bahin sa Bibliya-lakip na sa Nehemias 9:6 nag ingon “kalangitan, ang langit sa mga langit” – naa say giingon “sa kinatasang langit” og uban pa. Dugang sa langit nga atong makita sa atong mata karon, naa pay mga langit sa espirituwal nga gingharain (1 Mga Hari 8:27; Salmo 68:33).

“Ang ikatulong langit” – diin anaa ang langitnong gingharain – gibahin kini sa daghang mga puloy-anan sa langit lakip na sa Paraiso diin gidala si Apostol Pablo og usab ang New Jerusalem sa gihisgotan sa Gipadayag 21:10-11. Ang New Jerusalem anaa sa pinakataas sa langitnong gingharian og maangkon niadtong hingpit nakasunod sa Ginoo, kompletong nakapalayas sa sala og daotan, og nagmatinud-anon sa tanang aspeto.

Ang kriminal nga nakadawat sa

kaluwasan samtang gilansang tupad ni Hesus nakadawat sa Ginoo sa dili pa siya mamatay. Mao nga wala na siyay higayon nga makapalayas sa sala og daotan diha sa iyang dughan og wala siyay higayon nga mapakita niya sa Ginoo ang iyang pagkamatinud-anon; igo lang gyod siyang nakadawat sa kaluwasan. Kining klaseha sa mga tawo adto makasulod sa Paraiso, ang pinakaubos sa tanang puy-anan sa gingharian sa langit. Tunga sa Paraiso og New Jerusalem naay daghang lainlaing puy-anan og ang puy-an sa matag usa mailhan basi sa iyang pagkabalaan, pagtoo og pagkamatinud-anon.

Sa pagkamatarong sa Dios nga maoy motugot sa tawo sa pagpamupo kon unsa ang iyang gitanom ining kalibotana og maoy mohatag sa tawo basi sa iyang nabuhay, ang langitnong gingharian gibahin sa lainlaing hut-ong nga mga puy-anan. Sa laing pagkasulti, ang matag usa magpuyo didto sa lainlaing puloy-anan depende kon giunsa niya pagpalayas ang sala og pagsunod sa Ginoo. Sa ato pa, ang himaya, ganti, kalipay og awtoridad sa matag puy-anan sa langit dili managpareha.

Nag-ingon ang 1 Corinto 15:41, “Ang adlaw may kaugalingong katahom, ang bulan usab may laing katahom og ang mga bitoon may lahi nga katahom kay nagkalainlain ang matang sa katahom sa mga bitoon.” Kon ang usa naay tinuod nga pagtoo, maningkamot siya sa pag-abot sa maayong puloy-anan sa langit. Sa giingon sa Mateo 11:12, “Sukad sa pagwali ni Juan hantod karon, ang paghari sa Dios kusganon gayod nga miabot og ang mga tawo kusganon naninguha paghupot niini,” kon kita manglimbasog sa pagbuntog sa kaaway’ng demonyo og sala og maningkamot pagsunod sa Ginoo, makasulod kita og makapuyo sa mas nindot nga puloy-anan sa langit.

Kay kon tugotan kita pagsulod sa Langit nga puno sa sala sama sa kasuya, kasina, paghusga, kondenaar, kasilag, pagbudhi, panikas, kahangol, kasuko, pagpanapaw, og uban pa, ang Langit dili na balaan og malipayong puloy-anan. Mao nga dili kita makasulod sa Langit uban sa atong mga sala og pagkadaotan, apan makasulod lamang kita kon atong gipalambo ang kamaayo og espiritu diha kanato. Katong parehong nanag-ugmad sa kamaayo og espiritu pundokon og manag-uban sa samang puy-anan. Sama nga malipayong mag

trabaho dinhi sa kalibotan ang parehog edad og personalidad sa maong grupo, ang kinabuhi sa Langit labaw pang komportabl og malipayon kon sila uban sa mga tawong sama og sukod sa pagkabalaan, pagtoo nga diin ilang napanunod gikan sa Ginoo.

Si Hesus niingon sa kriminal nga gilansang tupad Niya, “karong adlaw adto ka sa Paraiso uban kanako.” Dili pasabot nga si Hesus tua puyo sa Paraiso uban sa criminal. Si Hesus niingon pagsulti ini sa criminal kay Siya master sa tanang puloy-anan sa langit og Siya ang magbuot sa tanan niini human sa Iyang pagkabanhaw og pagkayab.

Og ang “karong adlaw” wala magpasabot nga si Hesus niadtong sa Paraiso adtong adlaw sa paglansang niya sa krus. Ang kriminal nahimong anak sa Dios human sa iyang pagdawat sa kaluwasan pinaagi sa pagtoo, si Hesus niingon niya nga Siya mag-uban sa kriminal sugod niadtong mga higayona. Mao sad kita, kon atong dawaton ang Ginoo og nakadawat sa kaluwasan, sugod anang adlaw ang atong Ginoo perming mohinumdum nato og mag-uban nato sa tanang higayon.

Diin man diay mopaingon si Hesus anang adlaw, Biyernes pagkamatay Niya sa krus? Mateo 12:40 nag-ingon, “...tulo usab kaadlaw og tulo kagabii ang Anak sa tawo sa ilalom sa yuta,” og sa Efeso 4:9 nipahinumdum nato nga si Hesus “mikunsad una Siya ngadto sa kahiladman sa yuta.” 1 Pedro 3:19 niingon sad, “Miadto siya og nagwali sa mga espiritu nga nabilanggo.” Hinumdumi nga human sa Iyang kataposang ginhawa didto sa krus, si Hesus wala mopaingon sa Paraiso apan “Miadto Siya og nagwali sa mga espiritu nga nabilanggo.” Dinhi, ang “espiritu nga nabilanggo” nagpasabot niadtong angayang makaangkon sa kaluwasan apan namatay sa wala pa pas-ana ni Hesus ang krus og nahimong Manluluwas.

Mahal nga kaigsoonan ni Kristo, hangtod sa kataposang hut-ong sa Iyang kinabuhi ining kalibotana, si Hesus nag ampo sa gugma alang sa tanang katawhan og nagtanom og paglaom para sa Langit diha sa dughan sa criminal nga nidawat Niya. Ako mag ampo sa ngalan sa Ginoo nga ang matag usa kaninyo makaangkon sa maayong puy-anan pinaagi sa pagtugkad sa Iyang gugma.

Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanignt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga **Balita**

Published by Manmin Central Church

Bisayan


29, Digital-ro 26-gil, Guro-gu, Seoul, Korea, 08389
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminen@manmin.kr
Publisher: Dr. Jaerock Lee
Managing Editor: Geumsun Vin

3 Daghang tawo ang na grasyahan pinaagi sa libro ni Dr. Lee!

Ang mga libro ni Dr. Lee mohatag og kahigayonan nga ang mga magbabasa makaaninag sa pasabot sa tinuod nga gugma og makaangkon sila sa grasya sa Dios.

Abril 2017, ang *Tears* na publisar. Kining libroha naglakip sa mga pagsugid sa mga magtotoong nabag-o pinaagi sa pagsabot sa mga luha nga gipadagayday sa Dios, sa Ginoo og sa magbalantay og sa pagkasinati sa gugma. Ang libro nahimong 'top weekly' og 'best selling book' sa mga Kristohanong libro sulod sa 6 ka simana, og nakatandog kaayo sa mga magbabasa.

Pag Disyembre, laing biblical series *I Will Send Elijah to You* ang na publisar, gisundan sa *Abraham, the Friend of God; Jacob, Whom I Have Chosen, the Descendant of Abraham, My Friend* og *Joseph, the Passage to God's Covenant* nahalin sad pag-ayo og nahimong 'bestseller' sa mga Kristohanong libro. Ang libro nakapukaw espirituwal og nakahatag og grasya sa mga magtotoo.



5 Ang bagyong Irma nihinay og nawala pinaagi sa pag ampo ni Dr. Lee!

Septembre 2017, ang dakong gamhanang bagyo "Irma" namataan sa Atlantic og nakapakugang sa U.S. Ang pastor sa U.S. nipadala og prayer request ngadto ni Dr. Lee aron mapugngan ang dakong kadaot. Human sa iyang pag ampo, si Irma niliko palayo, daling nihinay og sa kataposan nawala. Ilang nalikayan ang grabing kadaot. Kining kahibulongang lihoc sa Dios gimantala sa *The Washington Post* ang usa sa nanag-unang mantalaan sa America, giulohan nila og "Ang Bagyong Irma Nahanaw human sa pag-ampo sa Koreanong pastor, Dr. Jaerock Lee."

Bisan sa wala pa ni, pinaagi sa iyang pag ampo, daghang bagyo ang miliko sa padulngan og nahanaw sama ni Matthew, Joaquin, Irene, og Gustav. Ang mga tawo na protektahan sad sa dagkong linog og forest fires pinaagi sa iyang pag ampo. Ang matamis nga uwan gibubu atol sa grabig hulaw, og ang grabing ulan nihunong atol sa grabing pagbaha. Ang katawhan naka eksperyensya sa proteksyon sa Dios sa mga kalamidad nga dili ma kontrola sa tawo.



7 Ang gugma sa Dios nibaha sa 'Heavenly Banquet'!

Mayo 2017, si Dr. Lee nangimbita sa mga magtotoong nakakab-ot sa dughan sa espiritu og sa tibuok espiritu ngadto sa iyang balay alampoon sa bukid og naghimo sa 'Heavenly Banquet'. Matag tuig sugod niadtong 2014, iyang panindotan ang iyang balay alampoon og mangimbita sa mga tawong nagsulay pag-ayo og minglampos sa paghisama sa Ginoo. Iya gyod ning pangandaman pag-ayo aron ilang mabati ang kanindot og kalipay sa langit, makadawat sa pagpakisayod og kusog gikan sa Dios aron mas labaw'ng magmatinud-anon og labaw'ng makabaton sa paglaom para sa New Jerusalem.

Labaw sa tanan ang bangketa nga gihimo pag 2017 mas labaw'ng makabulohanon uban sa espesyal nga presensya sa Dios (Exodu 16:10, 33:11; Numeros 12:8). Dili lang niadtong mga gipang-imbatar apan lakip na sa ubang mga miyembro sa sangang simbahan sulod og gawas sa Korea, sila nanag pundok sad og naghalad og serbisyo para sa Dios. Kay gidawat ang ilang mga gitinguha, gipanalanginan sila sa Dios sa kaayohan og mga tubag.



4 Ang bautismo sa kalayo sa Espiritu Santo nipainit sa dughan sa mga tawo sa Special Daniel Prayer Meeting!

Pebrero 2017, ang pagpamunyang sa kalayo sa Espiritu Santo nibubu sa mga nanambong sa unang Special Daniel Prayer Meeting sa maong tuig, gibuhat sa duha ka sesyon sa 42 ka adlaw. Ang tanang tawo nga niapil sa tibuok kalibotan pinaagi sa GCN lakip na sa mga miyembro sa simbahan napanalanginang maghinulsol pag-ayo, naka eksperyensya sa kaayohan, og nakadawat og grasya penansyal. Ang gitinguha sa ilang dughan natuman sama sa maka trabaho o makakuhag promosyon, ang ilang makasasalang kinaugalian nasunog, og ang hunahunang minugna naguba.

Pag Oktobre, ang ika-2 Special Daniel Prayer Meeting sa maong tuig gihimo ubos sa tema nga "The Fruit of the Shepherd's Power." Nag ampo silang mabag-o nga nagsalig sa gugma sa magbalantay og sa hustisya nga iyang gipamundo alang nila. Ang duha ka special meetings nipatulon sa baha sa tibuok espiritu og nihatag nilag higayon, sa makausa pa, nga makasakay sa maong pagbaha.

Ang Daniel Prayer Meeting buhaton matag gabii (Friday All-night Service sa Biyernes) og pagadad-on sa Manmin Prayer Center President nga si Boknim Lee, og ang duha ka sunod-sunod nga sesyon sa Special Daniel Prayer Meeting pagahimoon kaduha sa usa katuig.



6 Ang temperatura sa Manmin Summer Retreat na kontrola!

Agosto 7-10, ang lihoc sa pag kontrola sa temperatura nahimo panahon sa Manmin Summer Retreat 2017 nga gihimo didto sa Deogyusan Resort, Muju.

Ang grabing kainit gipahibalo sa tibuok nasod, apan ang temperatura sa nahimutangan sa retret na mentenar sa 25-26 degree Celsius. Kini nahimo pinaagi sa iyang pag proklamar niadtong Agosto 6 atol sa Sunday Service. Niingon siya nga ang temperatura kontrolahon sa hangin, uwan, og panganod og kini anaay 25-26 degree Celcius.

Ang Mongolia Manmin Church og Chiang Rai Manmin Church sa Thailand naka eksperyensya sa samang temperatura samtang sila diha sa panimalay niapil sa retret pinaagi sa GCN live broadcasting. Sa India, ang mga miyembro sa Madurai Manmin Church nakakita sad sa kausaban sa temperatura nga niubos gikan sa 32 ngadto sa 26 sa unang adlaw sa retret. Pagsugod sa Camp Fire Worship & Praise sa ika-3 adlaw ang temperatura nahimong 26. Ang mga miyembro sa Kinshasa Manmin Church sa DR Congo niapil pinaagi sa pagtan-aw sa recorded program. Pagtan-aw nila sa Camp Fire Worship & Praise, ang temperatura niubos gikan sa 30-33 degrees Celcius ngadto sa 25! Kini puno lang sa uban pang temperaturang na kontrola sa matag kalihokan nga pagahimoon sa simbahan.

▼ Muju, Probinsya sa Jeonbuk, lugar gihimoan sa retret, wala maapil sa pahimangu sa grabing kainit.



8 Ang paagi aron mahimong gamhanang mga trabahanti gi tanyag sa Leadership Conference!

Pag Hulyo, ang Leadership Conference 2017 gihimo ubos sa tema nga "Power" basi sa Juan 14:12 og gitambongan kini sa mga tawong gikan sa 21 ka mga nasod. Si Dr. Lee niwali mahitungod sa pasabot sa gahom, sa original nga dughan sa Dios nga anaa sa gahom, og ang klase sa gahom nga makapausab sa dughan s atawo.

Ang mga nanambong nakakat-on nga diha sa gahom anaa ang kamaayo og gugma sa Dios nga buot moluwas sa katawhan sa tanang nasod. Dugang pa, ilang nabati nga ang gahom gikinahanglan aron makapamupu sa abunda nga bunga alang sa human cultivation ining makasasalang kalibotan sa naghinapos nga panahon. Buot nilang mahimong trabahanti nga may gahom.

Sukad 2011, ang Leadership Conference gihimo matag tuig aron ang mga magtotoo makasakay pag-ayo sa baha sa espiritu og tibuok espiritu.



9 Ang mga overseas guests nagpadayon sa pagbisita sa Manmin aron maka saksi sa gahom!

Ang simbahan binisitaan sa mga bantogang bisita gikan sa lainlaing lugar nga nakahibaw mahitungod sa pagpangalagad sa Manmin og nangadoy nga maka eksperyensya sa lihoc sa gahom.

Pag Hulyo 2017, mga pastor og magtoong gikan sa 21 ka nasod mitambong sa Leadership Conference, og pag Agosto, mga 1,100 katawo lakip na sa daghang obispo gikan sa 37 ka nasod ang niapil sa Manmin Summer Retreat.

Pag Oktobre, mga bisita gikan sa 23 ka nasod lakip na sa U.S., Germany, Israel, Latvia, og Argentina nibisita sa simbahan aron makig saulog sa ika-35 anibersaryo. Pinaagi sa pagbisita, ilang na eksperyensya ang gamhanang lihoc sa gahom, naayo sila sa sakit, og nahitabo ang gitinguha sa ilang dughan og naka eksperyensya sa espiriritwal nga gingharian.



10 Ang Performing Arts Committee nidala sa kanindot sa Langit diha sa entablado!

Si Dr. Lee nasugmuyo kaayo ining henerasyona bisan ang pagdayeg sa Dios makalibotanon na kaayo, mao nga nagtinguha siya nga ang simbahan makahatag sa pagdayeg nga makapahimuot sa Dios. Isip tubag sa gitinguha sa iyang dughan, ang Dios mismo nagsugod og hatag og mga kanta niadtong 2009. Ang kantang gikan sa Dios nga 'Manmin Praise' gigamit sa mga kalihokan sa simbahan og mga pasundayag. Ilang gipuno ang dughan sa mga miyebro sa gugma sa Dios og paglaom para sa langit. Uban sa Manmin Praise, ang Performing Arts Committee bantogang nipasundayag libot sa kalibotan og mi asdang sa Kristohanong kultura sa tibuok kalibotan.

Pag Abril 2017, ang tigpasundayag nipahayag sa sakripisyo og gugma sa Ginoo sa Easter Musical "The Tears of the Lord." Ang maong pasundayag naka tandog kaayo sa mga nananaw og gipasindungan sa kadaghanan.

Pag Oktobre, ang pasundayag sa ika-35 anibersaryong selebrasyon nipakita sa langitnong panagsalo sa New Jerusalem. Ang mga tigpasundayag nisayaw og waltz, mahulagwayong langitnong water sports, og nipakita sa lainlaing pasundayag uban sa video presentation.

Pag Disyembre, ang Christmas Performance aktuwal nga gipasundayag-vaudeville production. Kini nagpahayag sa kinabuhi sa Ginoo, sa iyang gugma didto sa Krus, og ang pito katuig nga sakripisyo sa magbalantay ubos sa titulo nga "The Lord's Birth." Ang pasundayag nakahatag kaayo og dakong grasya sa mga nanambog.

11 Ang mga Doktor sa WCDN nipakita sa kamatuuran sa sagradong kaayohan sa medikal nga mga kaso!

Pag 2004, ang World Christian Doctors Network (WCDN) natukod sa tumong sa pagpukaw sa mga edukadong tawo ining naghinapos nga panahon. Ubos sa ngan sa WCDN International Conference, ang mga doktor og propisyonal sa medikal gikan sa tibuok kalibotan manag pundok matag tuig og mo presentar sa mga sagradong kaayohan uban ang ebedensya sa medical-data.

Pag Oktobre 2017, ang "14th International Conference" gihimo didto sa Russia og gibanabana ang 400 ka mga doktor og propisyonal medikal gikan sa 13 ka mga nasod ang nanambong, og kasagaran sa mga kasong gi presentar natuman pinaagi sa pag ampo ni Dr. Lee. Ila sad nakat-onan ang espirituwal nga balaod nga i-apply alang sa sagradong kaayohan pinaagi sa espesyal nga pagpanudlo "The Cause of Diseases" basi sa libro ni Dr. Lee *God the Healer*. Ang video presentation "Noah's Flood" nga gihimo basi sa panudlo ni Dr. Lee sa Genesis nakakuha sad sa dakong atensyon. Nabati nila ang garbo nga apil sa maong pagpangalagad.



12 Ang dako og paspas nga lihoc sa kaayohan og tubag nahikyad uban sa panyo!

Mga Buhat 19:11-12 mabasa, "Nagbuhat ang Dios og talagsaong mga milagro pinaagi kang Pablo. Bisan ang mga panyo og ang mga tapis nga iyang gigamit gidala ngadto sa mga masakiton og naayo ang ilang mga sakit og nanggula kanila ang mga daotang espiritu." Sa samang paagi ang gahom sa Dios nahitabo pinaagi sa panyo nga inampoan ni Dr. Lee. Tuig 2017, daghang 'hankerchief healing meeting' ang gihimo sa Israel, U.S., Germany, France, Moldova, Ukraine, Latvia, Kenya, Mongolia, Thailand, Pakistan, og Egypt.

Kon ang mga pastor og leder moampo sa masakiton gamit ang panyo nga inampoan ni Dr. Lee, ang mga tawo maayo sa ilang nagkalinlainang sakit sama sa AIDS og "Parkinson's disease"; nabalik ang maayong panan-aw og pandunggog; ang nasudlan og daotang espiritu nakalingkawas og ang uban natuman ang gitinguha sa ilang kasingkasing. Ang madilaabong lihoc sa Espiritu Santo nipalapad sa gingharian sa Dios. Pag 2017, kining maong lihoc labaw'ng nahikyad.



Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Potato St, J-Figueras Sampaloc, Manila, Pilipinas Pastor Jaebhong Uhm 2-735-1423	067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	Purok 3, Brgy. San Roque, San Mateo, Isabela, Pilipinas Pastor Jaebhong Uhm 2-735-1423	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714